

AKADEMIA

SUNTIK MOTIVASI

Sumbangan alat tulis KPLB rangsang semangat pelajar duduki peperiksaan besar

FOKUS

Oleh Roselan Ab Malek
am@h.metro.com.my

Sumbangan kit alat tulis disampaikan Timbalan Menteri I Kementerian Pembangunan Luar Bandar Datuk Seri Abdul Rahman Mohamad kepada pelajar daerah Lipis yang menduduki peperiksaan Sijil Pelajaran Malaysia (SPM), Sijil Tinggi Persekolahan Malaysia



(STPM) dan Sijil Tinggi Agama Malaysia (STAM) menyuntik motivasi untuk mencapai keputusan cemerlang.

Beliau yang juga Ahli Parlimen Lipis pada sidang video di Pejabat Pendidikan Daerah Lipis, Pahang bersama pelajar menerima sumbangan, baru-baru ini, meminta mereka fokus dengan pelajaran dan memberi tumpuan untuk beroleh kejayaan.

“Pelajar boleh mengubah

nasib keluarga masing-masing dengan ilmu serta cemerlang dalam pelajaran.

“Sekiranya mereka berjaya, mereka dapat berbakti dan membantu keluarga mereka,” katanya.

Beliau berharap 1,146 calon Sijil Pelajaran

Malaysia, 126 calon STPM dan 51 calon STAM dari 17 sekolah di Lipis beroleh kejayaan cemerlang.

Katanya, pada Februari, Yayasan Pelajaran MARA menyumbangkan kit alat tulis kepada 1,323 calon peperiksaan di 17 sekolah

di Lipis membatikan peruntukan RM50,000.

“Pemilihan sekolah daerah Lipis adalah sebagai satu kaedah merangsang semangat pelajar bagi menduduki peperiksaan utama berikutan kesulitan mereka terjejas dengan bencana

banjir yang melanda Lipis selain meringankan beban kewangan pelajar,” katanya.

Abdul Rahman turut menerangkan kepada semua pelajar berkenaan peluang melanjutkan pelajaran dalam bidang profesional, teknikal

dan kemahiran disediakan pelbagai institusi pendidikan kendalian agensi di bawah Kementerian Pembangunan Luar Bandar (KPLB).

Katanya, antaranya institusi pendidikan berkenaan ialah



TRIBUTION IS STRIC

TRIBUTION IS STRIC
 pressreader
 PRINTED AND DISTRIBUTED BY PRESSREADER
 PressReader.com +1 (800) 278-4604
 COPYRIGHT AND PROTECTED BY APPLICABLE LAW



FOTO ROSELAN AB MALEK

ABDUL Rahman (tengah) bersama Amin Nollah ketika sesi ramah mesra dan penyerahan set alat tulis kepada calon peperiksaan SPM, STPM dan STAM secara dalam talian di Pejabat Pendidikan Daerah Lipis.

memanfaatkan sejumlah 50,000 pelajar seluruh negara.

Sementara itu, beberapa pelajar yang menerima sumbangan berkenaan berterima kasih kepada pihak Kementerian yang prihatin dengan persediaan mereka untuk menghadapi peperiksaan.

Pelajar Sekolah Menengah Kebangsaan Clifford, Kalimatul Nur Ain Sulong menyifatkan pemberian itu sebagai satu motivasi kepada dirinya untuk menghadapi pemeriksaan SPM dengan lebih yakin.

"Saya akan menjadikan pemberian ini sebagai pemangkin semangat untuk meraih keputusan yang cemerlang kelak.

"Saya akan jadikan kejayaan Datuk Seri Abdul Rahman, anak Lipis yang berjaya menjadi menteri sebagai sumber inspirasi untuk berjaya sepertinya," katanya yang bercita-cita menjadi doktor.

Bagi rakannya, Muhammad Iqmal Arqas Abdul Halim, pemberian kit alat tulis dan nasihat itu dijadikan satu cabaran untuk dirinya meraih kejayaan dalam SPM kelak.

"Dalam sidang video, Datuk Seri banyak memberi kata-kata semangat untuk berjaya dengan tidak menjadikan kedudukan sekolah di luar bandar sebagai halangan," katanya.

Bercita-cita menjadi pensyarah, Muhammad Iqmal Arqas berkata, cabaran diberikan itu akan dibuktikan dalam peperiksaan itu kelak.

Sementara itu, Pegawai Pendidikan Daerah Lipis Amin Nollah Latah berkata, seramai 1,323 calon peperiksaan di 17 sekolah di Lipis menerima kit alat tulis disumbangkan oleh KPLB melalui Yayasan Pelajaran MARA.

Katanya, sebelum ini, Datuk Seri Abdul Rahman setiap tahun turun ke setiap sekolah menyampaikan sendiri kit alat tulis dan memberi motivasi kepada pelajar.

Beliau berkata, disebabkan pandemik Covid 19, tahun ini ia

Saya akan jadikan kejayaan Datuk Seri Abdul Rahman, anak Lipis yang berjaya menjadi menteri sebagai sumber inspirasi untuk berjaya sepertinya

KALIMATUL NUR AIN



MUHAMMAD Iqmal Arqas

Universiti Kuala Lumpur (UniKL), Kolej Profesional MARA, Kolej Felcra, Kolej Kemahiran MARA, Kolej Universiti Agrosains Malaysia, kolej di bawah MARA dan GiatMARA.

Beliau berkata, pelajar luar bandar perlu merebut peluang disediakan kerajaan kerana pelajar cemerlang boleh memohon mendapatkan tajaan daripada MARA untuk melanjutkan pelajaran di institusi pengajian tinggi (IPT) sama ada di dalam atau luar negara.

Menurutnya, pada tahun lalu, MARA memperuntukkan RM2 bilion bagi tajaan ke IPT dalam dan luar negara yang

Saya berharap sumbangan itu dapat memberi motivasi kepada pelajar supaya belajar dengan lebih tekun dan cemerlang





dijalankan secara sidang video sahaja.

“Saya berharap sumbangan itu dapat memberi motivasi kepada pelajar supaya belajar dengan lebih tekun dan seterusnya memperoleh keputusan cemerlang.

“Dengan sumbangan alat tulis ini, diharap pelajar di Lipis di sini dapat memupuk semangat untuk terus menuntut ilmu dan mencapai kejayaan dihari,” katanya.

TRIBUTION IS STRIC

pressreader

PRINTED AND DISTRIBUTED BY PRESSREADER
PressReader.com +1 604 278 4604
COPYRIGHT AND PROTECTED BY APPLICABLE LAW